



## KULTURA-JARDUEREN POLTSA

### OINARRIAK

#### 1.- XEDEA:

**Muina** deialdiaren lehen edizio honetan, **2025ean zehar Izaskun Arrue Kulturagunean** garatzeko kultura-jardueren proposamenak jasoko dira. Guztira, 5 proposamen aukeratuko dira: **ikuskizun bat, hitzaldi bat, ikus-entzunezko proiektzio bat, ikastaroa bat (gutxienez 3 saio) eta lantegi bat (saio 1)**. Jarduera motaren arabera, jasoko den ordainsaria **250€** eta **800€** artekoa izango da. **Epea abuztuaren 22ra arte** egongo da zabalik.

**Muina** zerbaiten zatirik barnekoenari esaten zaio, eta Izaskun Arrue Kulturagunearen bizkarrezur-muina kultur programazioaren parte diren sortzaileek eta talde ezberdinen egitasmoek osatzen dute. Hori dela eta, **kultura-jardueraren bat gauzatu nahi duen herritar arabar ororentzat** zuzendutako proposamen poltsa zabaltzea da deialdi honen xedea. Muina deialdiaren helburua herritarrek buruan dituzten kultur ekimen ezberdinak gauzatzeko aukera ematea da, eta bide batez, programatzaileen eta sortzaileen artean aldebikoa den harremanari heltzea.

#### 2.- NOR AURKEZ DAITEKE?:

- Deialdi honetara Euskal Herrian jaio, bizi edo lan egiten duen edonork hartu ahalko du parte, **adinez nagusia** bada, eta **euskaraz egiteko gaitasuna** erakusten badu.
- Pertsona fisikoak **banaka zein taldeka** aurkeztu ahalko dira.

#### 3.- JARDUERA MOTAK ETA AURREKONTUA:

Proposamena jarduera mota hauetako bati egokitu beharko zaio eta ekimena burutzeagatik jasoko duen diru kopurua hurrengoak izango da.

Jarduera mota	Aurrekontua
<b>Ikuskizuna:</b> bertso-saioak, bakarrizketak, arte biziak, zirkua...	800€ (BEZ barne)
<b>Ikus-entzunezko proiektzioa:</b> zinema, dokumentalak, film laburrak...	250€ (BEZ barne)
<b>Hitzaldia:</b> mahai-inguruak, aurkezpenak, hitzaldiak, solasaldia...	250€ (BEZ barne)
<b>Ikastaroa</b> (gutxienez 3 saio)	800€ (BEZ barne)
<b>Lantegia</b> (saio bat)	250€ (BEZ barne)

#### 2.- BALDINTZAK ETA BETEBEHARRAK:

- Hautatua izan dela jakinarazia izan denetik, 10 lanegunetara akordio **bat sinatu** beharko du Izaskun Arrue Kulturaguneko arduradunekin.
- Jarduera formatu bakoitzak aurrekontu bat dauka eta proposatutako egitasmoa **burutzen, zenbateko hori ordainduko zaio**.
- Hautatutako proposamenen egileek aurkeztutako egitasmoaren egikaritze prozesuan egiten diren aldaketak eta moldaketak Izaskun Arrue Kulturaguneko **arduradunekin adostuko ditu**.
- Izaskun Arrue **Kulturaguneko komunikazio lantaldetik eratorritako irizpideak** beteko ditu, eta ekitaldiak komunikazio plangintzaren parte izango da.
- Egitasmoaren gauzatze bilakaeran erabiliko den **transmisio hizkuntza euskara izango da**.
- **Jarduera bakoitzaren amaieran, emaileak Lazarraga Kultur Elkarteari faktura bat egingo dio**. Proiektuaren egileek tokiko ogasunak ezartzen dituen irizpide eta arauak bete beharko ditu.



- Pertsona fisikoaren talde batek gauzatutako egitasmoa balitz, **taldeko kide batek hartuko du taldearen ordezkariaren izaera** eta faktura haren izenean joan beharko da.
- Programatutako jardueraren ordainketa **jarduera burutu ostean** egingo da.

### 3.- IZEN-EMATEA:

Izen-ematea **abuztuaren 22ra arte (barne)** egongo da irekia.

**Inprimaki honen** bidez osatu beharko dira behean agertzen diren atalak.

Pertsona edo talde bakoitzak proposamen bat baino gehiago aurkeztu ahalko du, baina horietako bakarra aukeratuko da. Bi proposamen bidali nahi izanez gero, inprimakia bitan osatu beharko da.

Proposamen bakoitza bere inprimakia betez bidali beharko da, eta honako datuak eman beharko dira:

- **Eskatzailearen datuak:** izen-abizenak, jaioteguna, jaioterria, ohiko bizilekua eta harremanetarako telefonoa.
  - Taldeen kasuan parte-hartzaile guztien datuak beteko dira, nahiz eta pertsona bakarrak hartuko duen gainontzeko taldekideen ordezkari-tza formalaren izaera.
- **Egitasmoaren izenburua**
- **Hautatutako formatua:** proposamena formatu hauetako batera egokituko da:
  - Ikuskizuna
  - Ikus-entzunezko proiektzioa
  - Hitzaldia
  - Lantegia
  - Ikastaroa
- **Egitasmoaren deskribapen laburra:** 150 hitz inguru.
- **Izaskun Arrue Kulturguneko helburuetan nola uztartuko den azaldu:** 150 hitz inguru.
- **Aurkeztutako egitasmoa ulertzeko lagungarriak diren eranskinak:** irudiak, bideoak, audiok, zirriborroak.

- **Ikastaro bat egiteko proposamena bidaltzen dutenen kasuan,** saioz saioko programazioaren laburpen bat erantsi beharko dute.

### 6.- BALORAZIO IRIZPIDEAK ETA EPAIMAHAIA:

- **Egitasmoaren bideragarritasuna (20 PUNTU)**
  - Proiektuaren prestaketa zehaztuta egotea (5 PUNTU)
  - Baliabideak eta beharrak zehaztea (5 PUNTU)
  - Ekimena modu eraginkorrean garatzeko plan bat izatea edota zehazte fasean egotea (10 PUNTU)
- **Proposamenaren kalitatea eta euskal kultur ekoizpenaren esparruan ekarpen berritzaileak egiteko gaitasuna (20 PUNTU)**
  - Berrikuntza metodologiko eta teknikoaren aldetik (10 PUNTU)
  - Ezagutzaren esparruan orainean kokatzen diren auziak zeharkatuta egotea (10 PUNTU)
- **Jarduera honen publikoa, edo zein kolektibori eta interes-talderi zuzenduta egongo den, ondo identifikatuta egotea (10 PUNTU)**
  - Publiko mota bati egokitzea (5 PUNTU)
  - Publikoari iristeko gaitasuna adieraztea (5 PUNTU)
- **Jardueretan aniztasunaren eta berdintasunaren ardatzak zeharkatuta egotea (10 PUNTU)**
- **Egungo sorkuntzaren eta ezagutzaren esparruan, euskal kultura-zaleen komunitatearentzat desiragarria den proposamena izatea (20 PUNTU)**



- **Proposatutakoa Gasteizko euskalgintzan eta kulturgintzan identifikatutako hutsuneetan txertatzea, eta esparru hori aberastea (20 PUNTU)**

## 7.- IZASKUN ARRUE KULTURGUNEA. PROIKTUAREN LAN ILDO NAGUSIAK

Proposatutako kultur jarduerak lan ildo nagusi eta helburu hauek kontuan hartuko dituela baloratuko da.

- **SORTU:** Kultura-sorkuntza euskaldunean parte direnei edo horra hurbildu nahi dutenei lagunduko zaie (sorkuntza prozesuaren edozein fasetan daudelarik); beren sorkuntza sustatuko da, eta prozesuetan bidelagun izango... langintza horretan egitea eta eragitea bilatuko da.
- **ERAKUTSI:** Euskal Herri osoan sortzen diren kultura-proposamenen erakusleihen da Izaskun Arrue Kulturagunea, eta euskal sortzaileentzako erreferentziazko gune bilakatuko da. Bereziki, ekintza positiboko neurriak jarriko dira abian, gure gizartean generoagatik dauden desberdintasunak ezabatzeko.
- **IKASI:** Prestakuntza osoa eta partekatua, irekia eta iraunkorra. Sorkuntzarako prestatu eta konfiantza emateaz gain, hizkuntzaren prozesuak hobeto ulertzeko aukera emango da eta genero ikuspegia aintzat hartuko da.
- **HAUSNARTU:** Euskal kulturaren sustapenaren inguruan, eta honek euskararen erabileran eta biziberritzean izan dezakeen eragina aztertzeke, eragile ezberdinak elkartu eta hausnarketa kolektiboak egingo dira.
- **HAZI:** Kultura-sorkuntzan, programazioan eta antolakuntzan aurrera egin nahi dutenei hazteko aukera ezberdinak emango zaizkie; bide horretan laguntzea eta lanabesak eskaintzea ezinbestekoa izango da.
- **BIZI:** Hizkuntza batean bizitzeko eta bere kulturaren parte izateko, jarduera eta esperientzia gozagarriak eduki behar direnez, ondo pasatzeko ekintza anitz eta zerbitzu ugari eskainiko da.

## 8.- LEGE-OHARRAK:

Hemen irakurri ditzakezu

## 9.- INFORMAZIOA ETA HARREMANA:

Deialdiari buruzko informazio gehiago eskuratzeko jar zaitez harremanetan [kultura@lazarraga.eus](mailto:kultura@lazarraga.eus) helbidearen bitartez.

